



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. III. Impossibilitas ejusdem speciei demonstratur,

[urn:nbn:de:hbz:466:1-77232](#)

DE SPECIE VISIONIS BEATÆ.

131

tuam essentiam, ut est radix attributorum, & ut prævenit voluntatem, & omnipotentiam: Ergo emanaret ab ipso necessariō, & non liberē. Antecedens est certum, quia species emanat à suo objecto formalī; objectum autem formale visionis beatificæ, est essentia divina, ut radix attributorum, ut infra ostendimus. Consequentia autem probatur: Illud quod emanat ab aliqua ratione in Deo, prævenient voluntatem, est necessarium: sic scientia simplicis intelligentiæ, & iuxta Adversarios, scientia media, necessaria est, saltem ex parte subjecti, quia prævenit voluntatem: Ergo si species illa emanaret ab essentia Dei, ut est radix attributorum, & ut prævenit voluntatem, necessariō, & non liberē, à Deo procederet.

15. Confirmatur: Hæc emissio specierum in objectis productivis illatum, est necessaria; quia illæ se habent ut affectiones naturæ, & ut proprietates, ac veluti quædam femina, quibus sui cognitionem nata sunt parere, sicut per semen naturale producent simile: Ergo illa species repræsentativa Dei, est affectio, proprietas, & semen Dei, & consequenter naturaliter produceretur, sicut proprietas, & semen. Hæc conclusio magis constabit ex dicendis §. sequenti.

§. III.

Impossibilitas eiusdem species demonstratur.

16. **D**ico secundò: Non posse dari speciem impressam creatam, que Deum clarè & intuitivè representet. Est contra Suarez, Vazquez, Molinam, & alios recentiores: est tamen D. Thomæ locis supra citatis, ubi impossibilitatem talis speciei, variis rationibus demonstrat. Prima, que habetur quolibet 7. quæst. 1. art. 1. & 1. cont. Gent. cap. 46. potest sic proponi. Effectus formalis speciei impressæ, est reddere objectum proxime intelligibilem: Sed repugnat Deum fieri proximè intelligibilem, per aliquam formam creatam, & à se distinctam: Ergo repugnat dari speciem creatam, clarè & intuitivè Deum representanti. Major est certa, & constat ex supra dictis: Minor vero probatur. Illud quod est per se intelligibile, imo & sua intelligibilitas, non potest fieri intelligibile per aliquid aliud: At Deus per se intelligibilis est, imo & sua intelligibilitas, cum sit actus purus in ratione intelligibilis, & infinitè immaterialis: Ergo non potest fieri intelligibilis, & visibilis ut est in se, per aliquam formam, & speciem intelligibilem creatam. Minor constat, Major autem variis exemplis declaratur. Quia enim lux scipsa visibilis est, & ratio videndi objecta, non potest fieri visibilis per aliam formam à se distinctam. Quia albedo scipsa est alba, non potest fieri talis per aliam qualitatem. Quia unio est ratio conjungendi extrema, non potest uniri per aliam unionem, sicut nec existentia fieri existens per aliam existentiam; alioquin daretur processus in infinitum, & illud quod est talè per existentiam, fieret tale per participationem, quod implicant. Ergo similiter cùm essentia divina, sit ipsa lux increata, & ipsa intelligibilitas, & visibilitas per essentiam, non potest fieri intelligibilis, & visibilis per aliquam formam, seu speciem à se distinctam.

17. Confirmatur: Eadem est ratio proportionaliter de intelligibilitate, ac de intellectualitate: Sed quia Deus est prima intelligentia, non po-

A test fieri intelligens per aliud à se: Ergo similiter, quia est prima intelligibilitas, non potest fieri intelligibilis, & visibilis ut est in se, per aliquid à se distinctum.

Dices: Hoc argumentum probare quidem; essentiam divinam non posse fieri intelligibilem, & visibilem intellectui divino, & increato, per aliquam formam, aut speciem à se distinctam: non tamen demonstrare, quod illa non possit fieri intelligibilis, & visibilis intellectui creato, per aliquid à se distinctum. Licet enim divina essentia sit ex se intelligibilis, imo & sua intelligibilitas, est tamen improportionata respectu intellectus creati, propter sumam & infinitam ejus intelligibilitatem, ac proinde potest, & debet, per aliquam speciem creatam reddi proportionata, & intelligibilis ab intellectu creato.

Sed contra: Quod aliquod objectum per se intelligibile, ratione sua eminentia sit improportionatum, seu superexcedens respectu aliquis potentia, non arguit addendum esse aliquid ipsi, per quod fiat intelligibile, sed solum ponendum esse aliquid in potentia, quo confortetur, eleveretur, & fiat potens ad illud cognoscendum. Sicut ex eo quod Sol ratione sui splendoris, sit objectum improportionatum, & superexcedens respectu oculi nocturnæ, non sequitur aliquid ponendum esse in Sole, per quod fiat ei visibilis, & proportionatus, sed solum debere ponni majorem virtutem, & efficaciam in potentia visiva nocturnæ, per quam roboretur & fiat potens ad videndum Solem. Unde ex eo quod Deus sit objectum improportionatum respectu intellectus creati, non sequitur divinam essentiam debere, vel posse fieri proportionata per aliquam speciem creatam, sed tantum, intellectum creatum, mediante lumine gloriae, debere confortari, & elevari ad eum visionem.

§. IV.

Exponuntur alias rationes D. Thomæ.

Pater rationem iam explicatam, tres alias adducit S. Doctor hic art. 2. quæ breviter exponendæ sunt. Prima sub his terminis ab illo proponitur. *Sicut dicit Dionysius 1. de divin. nomine, per similitudines inferioris ordinis rerum, nullo modo superiora possunt cognosci, sicut per speciem corporis non potest cognosci essentiam rei incorporei: multò igitur minus, per speciem creatam quamcumque, potest essentia Dei videri.* Pro cuius explicatione.

Notandum primo: Speciem non debere ita esse ejusdem ordinis cum objecto, ut cum eo conveniat in gradu perfectionis specifico; contingit enim sèpe, objectum ejus esse substantiam, speciem vero illud representantem, esse accidens, ac proinde imperfectorem suo objecto; sed quia ad minus debet cum objecto in gradu immaterialitatis convenire, non quidem specifico (constat enim speciem, quā Angelus inferior superior cognoscit, excedi hoc modo in immaterialitate, ab Angelo quem representat) sed genericō: cùm enim species impressa sit veluti forma, per quam ipsum objectum constituitur in ratione intelligibilis proximè, & intellectio fiat ratione immaterialitatis, species impressa aliquid objectum representans, debet esse in eodem ordine, & gradu saltem genericō immaterialitatis cum illo, vel in superiori. Unde non alia ratione, species entitative.

R. ij